



UKA 2018/155

25. oktober 2018

Bentiaraq Ottosen

Kalaallit Nunaanni ilisimatusarnernut tamanut ataatsimut qarasaasiami paassisutissanik katersivimmik pilersitsinissamik periarfissat misissorneqarnissaat pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Nunatsinni ilisimasat nunatsinni atorsinnaasariaqarpagut. Nunatsinni ilisimatusarnikkut paasisat atorluarlugillu tammatsaaliortariaqarpagut, ajornanngitsumillu ujaarerfigisinnaallugit. Ilisimasaqarneq nukiuvoq annertooq ineriaartornermut aqqtut pitsaanerpaaq.

Siunnersuuteqartoq isumaqatigaarpot nunatsinni ilisimatusarnikkut paasisanik katersivimmik pilersitsisoqarnissaa pillugu siunnersuuteqarmat.

Ilisimatusarfimmi ilinniartut ilinniarnerminni inaarutaasumik allaaserisaat ilisimatusarfiup nittartagaanni ilaatigut tamakkiisuunngitsumilli nassaarineqarsinnaareerput. Taannalu siamasinnerusumik annertunerusumillu ilisimalikkanik katersuiviusinnaasumik pilersitsisoqarpot inuaqatigiinni susassaqartunut, politikkerinut iluaqutaasussaammat taperserparput.

Avataaniillu ilisimatusartunik tikittoqartarnera ilisimallugu Atassummiit oqariartuugigerusupparput, naak avataaniit aningaasalerneqarlutik, avataaniillu tikillutik, soorlu silaannaap kissatsikkiartorneranut, pinngortitamut, immaqaluunniit inuaqatigiilerinernut tunngasunik misissuinerit iluatigalutigit uagutsinnut aamma iluaqutaasussanngorlugit pissarsiarisinnaasariaqarpagut.

Avataaniilli tikittut annertunerusumik piumaffigisinnaanissaat killeqarsinnaammat, kaammattutigerusunnarpoq, aqqtissat assigiinngitsut atorlugit, ilisimatusartunik nunatsinneersunik ilaqsinnaasarnissaat ujartortariaqarippot. Taakkumi aamma nunatsinnut paassisutissanik katerseqataalissammata iluatinnaatilinnik.

Taamatut oqaaseqarluta siunnersuut Atassummiit taperserparput.